

## QUÆSTIO MEDICA,

QUOD LIBETARIIS DISPUTATIONIBUS,

manè discutienda in Scholis Medicorum, die secundâ mensis Decembris,

Anno Domini M. DCC. LXII.

M. NICOLAO JEANROY, Doctore Medico, Præside.



## I.

An Generatio natura arcanum?



**P**ULCHRA quæ videntur, pulchriora quæ sciuntur, longè pulcherrime quæ ignorantur: Stenon. Nec pauca quidem tùm ex μακροσκοπία, tùm ex μικροσκοπία dudum abdita, quorum cognitio, neglecta, vel desperata Herculeis tandem præteritarum ætatum laboribus parta fuit, aut casu felici prolata, in medium, & veluti delapsa cœlitus. Hinc maximè incitata sunt, atque incensa veterum, & recentiorum studia. Hinc eorum conatus, ut mundi incunabula explorarent, primas rerum causas exquirerent, ac naturæ penetralia scrutarentur. Hinc materiem versare omnigenam omnibus modis, torquere igne, & ferro, miscere corpora, rimari latebras, numerum, & lineas augere, vel minuerè in infinitum, ut elementorum vis, & ordo elucescerent. Verùm licet ingentis curæ, & improbi laboris cunctos pœnituisse non debuerit, qui, quod est certissimum, minùs cogitabant esse limites divinitus constitutos, quos transgredi nequit humana mens, & ultrà quos ridiculè, ac sæpius damnosè evagabitur. *In manibus quæ sunt, vix nos ea scire putandum est — usque adeò procul à nobis præsentia veri.* Quid effecere hæcenus tot commenta circà generationem humanam proposita? nisi ut rei difficultas, & nodus magis indicaretur. Suave nimium est mentem gratis fictionibus pascere; at se iis rei veritatem consequi posse nemo sapiens existimabit. Præstat igitur ignorantiam fateri, quàm fictitiis indulgere speculationibus.

## II.

**E**PICURUS, cujus doctrinam *Lucretius*, (a) egregio carmine repræsentavit ex utroque semine factum arguit; eum verò in quem muliebris seminis copia major influxerit fore matris similiorem, sin autem patris; atque ut ex atomorum primævo concursu coalescere potuisse mundum universum contendit, ita ex alterius seminis particulis similioribus, similiora quoque organa, & membra pueri. Hippocrates sententiam Epicuri ad suam detorquens affirmat semen virile, & femineum ex omnibus corporis partibus, ac præcipue à capite (b) per medullam spinalem in renes confluere; prolificum quidem utrumque, sed vi duplici præditum, alterâ potentiori, utpotè calidiori, alterâ frigidiori, idèdque debiliori; ex utroque semine potentiori nasci mares, debiliore fœminas, imaginem, & formam ex majori, vel minori alterius copiam. (c) *Aristoteles*, de Gen. lib. 1. cap. 2. ait: *Οτι της γενεσεως αρχας το αρρεν και το θυλυ.* Principium generationis esse marem, & fœminam, quod deinde exponit lib. 1. cap. 20. & cap. 4. lib. 2., ubi docet factum ex solo mare ortum, ali, foveri, expandi, & pinguescere sanguine menstruo, qui nempe sit ad generationem collatus, nec nisi in puellis puberibus appareat, sicut in mare pubere liquor prolificus. Si enim liquorem ex se, & sine ope viri ministraret mulier, quidni, inquit, sola generaret? addit humorem prolificum, talem si continerent fœminæ, voluptate venereâ certè iri elici-

(a) Quare etiam atque etiam (ut dico) est commune voluptas;

Et commiscendo semen cum sortè virile.

Fœmina commulsi subitâ vi corripuitque:

Tum similes matrum materno semine fiunt.

Ut patribus patrio.

Semper enim partus duplici de semine constat.

Lib. 4. de Nat.

(b) Vide Comment. D. le Camus, de Generat.

(c) Vid. Thef. D. Maloet, an successiva partium factis generatio.

tum; eâ verò carere nonnullas, dùm concipiunt. Averroës, Avicenna, & alii complures ad nostra ferè tempora ducem secuti sunt Aristotelem.

Recentiorum autem occurrunt de generatione quinque opiniones. Alii ex ovo materno, alii ex animalculis in semine masculino contentis, tertii ex ovo materno, & verme simul unitis foetum oîri existimârunt. Illi inter quos anno 1669. mutato nomine *Daëmpaius*, reverà dictus de *Plantade*, causabantur infinitam vermiculorum multitudinem spermati virili innatantium, è quibus fingunt unum, qui subeat ovulum, valvulâ spontè reclusâ, non jam exiturum, eum verum esse, & genuinum foetum, quem ovuli substantia enutrit, membranulâ investit; simul delapsum in uterum, crescere, augeri, donec ruptis ipse vinculis è carcere foetus homo erepat. Celeberrimus de *Maupertuis* suspicatur utrique semini inesse vim *attractionis* dictam, cujus actio cùm se prodat in universâ rerum naturâ, cur igitur formandis animalibus non interserviat? imò inesse talem vim singulis seminum particulis, cor, caput, brachia, crura, & alia membra conflaturis, hanc, v. g. particulam, quæ ut formetur caput, similis particulæ confinium, & coherentiam desiderat nunquam se alteri sociaturam; hoc modo compingi foetum posse, eum licet animo fingeres organis etiam pluribus, & texturâ delicatiori constructum. Ab eâ sententiâ non valdè discrepans Clarissimus Vir de *Buffon* in sceminâ quemadmodum in mare liquorem excogitat prolificum, in utroque autem corpuscula motu prædita quæ deprehendunt ipsismet oculi microscopio adjuti; illa verò corpuscula non vera esse animantia, sed partes duntaxat molecularum, quas ideò vocat organicas, quòd solæ idoneæ sint componendis corporibus, quæ dicuntur organiatæ; illas moleculas licet singulæ, & seorsim destitutæ sint organici reverà tamen vivere, rem ipsam posse subijci oculis; maximâ illarum copiâ abundare animalium, & plantarum semina; illas autem partes, dùm nimis luxuriantur ex omnibus animalis, vel plantæ partibus ubertim emitti; ex earumque conjunctione reproduci substantiam, alteram alteri, undè provenit semper idcirco futuram similem, quod prædictæ partes excusæ archetypo interiori, & quasi impressæ coalescunt. Quæ commenta; ingeniosa quidem, attamen commenta sunt. Magnifica moles, egregiè quidem congesta, & ordinata; at sine fundamento, & quæ levissimo concussu ruat. *Nimium ne crede colori.*

### III.

**S**ENTENTIÆ Veterum (d) irâ profligatæ sunt, ut iis refellendis longiùs immorari nos nemo velit. Aliundè iisdem quibus mox Recentiores, momentis refelli possunt. Nec mirum in hac quæstione non ulterius progressos vel acutissimi ingenii Veteres, qui in Anatomia, & corporis humani functionibus ferè omninò cœcutirent. Recentiores licet oculatissimi, & cognitionum anatomicarum tam locupletes, plura quidem viderunt, at dùm singula quæ ad generationem pertinent, explicare tentant, & sibi, & aliis molestiam facessunt. Qui probant enim primæ opinionis Defensores (e) ova existere; sagacissimus omnium explorator *Valisierus*, ea nunquam à se inspecta nonne testatus est. Post multa pericula de spermate, sic ait: *egli, riconobbi egli giudicai senza dubitamento alcuno per veri, verissimi, acriverissimi vermi.* Quoad secundum de animalculis figmentum, quæri liceat, an unum, an plura foetum gignant? Si unum quorsum cætera, si plura, quid singula efficiant? tertium, systema non magis probabile; incertum enim omninò an (f) ova sint. Quid deindè illi Vermiculi? Quænam eorum forma, & in-

(d) Vid. Th. D. *Solier*. an ex utriusque sexus seminis misceâ foetus?

(e) Res mihi attentione dignissima oblata est in utero femine aliquis dissectæ. Erat uterus eâ magnitudine quâ esse solet in virginibus, tubæque ambæ apertæ quidem ad ingressum uteri, ita ut ex hoc in illas cum specillo faciliè possem transire, ac statim injicere, sed in tubarum extremo nulla dabatur apertura, nullus aditus. Fimbriarum enim ne vestigium aderat, sed loco illarum bulbos aliquis pyriformis materiâ subalbida, fluidâ turgens, in cujus medio fibra plana nervea cicatriculæ amila apparebat, quæ sub ligamentuli specie usque ad ovarii involucra protendebatur. *Observ. Dom. Weibreih, Anatom. Petoburg. perilliss.*

(f) *Valisierus* coxit duo corpora glandulosa in ovarii canis venerè æstuantis reperta: sperabat fore ut posset, iis dissectis, ovum deprehendere, quod summè sperè cupiebat, neque aut ovum, aut quid hujus simile deprehendit. *Vid. D. de Buffon, Tom. II. Cap. V.*

3

doles ? Fortè splendido errore ludunt nos microscopia ; tùm denique illa tria systemata eodem vitio laborant , quod progressum in infinitum supponunt. Ex calculo inito à V. Clar. de *Buffon*, homo vermem spermaticum sextæ generationis magnitudine magis superaret , quàm universi orbis sphaera exiguißimam atomum quæ microscopio videri possit. Illorum etenim seu ovorum , seu animalculorum origo deducetur aliorum ex aliis , donec statuatür aliquod primum ex quo omnes omnium ætatum homines nati sint , ac etiam nascituri. Insuper quí fieri posset ut puer , hic patri , ille matri sæpè sapius utrique sit similis , & funestam interdum hæreditatem à parentibus indiscriminatum accipiant. Nec feliciùs explicabuntur dissimiles hominum figuræ. (g) *Æthiopes maculam orbem , tenebrisque figurant per fuscas hominum gentes.* (Manil. lib. 4.) Ex postremis duobus clarissimis Scriptoribus , alter cùm generationem attractionem perfici arbitratür. Causa in hoc negotio non satis nota , quæ alioquin cùm sit simplex , & unius tenoris videtur minùs apta ad producendam aded variam organorum formam , hanc præsertim in quâ situm est discrimen sexus. Alter , ut solet , ingenii perspicacis , & acutissimi in systemate edit specimen. At plura quoque offendicula , scilicet illæ partes , quas vocat *moleculas organicas* , simul & organorum expertes ; eædem viventes , nec undè vivant , dicitur. Nonnullæ in utroque sexu similes , nonnullæ etiam dissimiles , quarum tamen si par copia , quinam evader sexus ? Demùm utraque cùm mas solus , sicut & femina sola contineat , uter fortum gignit ? Cur solus , cur sola non generat , quemadmodum Cochleæ , Hirudines , & alia hujusmodi animalcula. Autores harum hypotheseon , cùm ædificia ab aliis structa funditus everterunt , tum idè rati sunt nova se posse faciliè moliri ; illa verò ut priora caducis nixa fundamentis quo majores , & altiores tabulatorum ordines extollebant , eo lapsu graviori , & sæpè improvise corruerunt.

#### I V.

**E**X suprà dictis patet generationis ænigma à nullo hastenùs Œdipo solum ; nos verò nunquàm solvendum vel ab ipsa sphynge contendimus. Si quæras , quare existat aliquid ? Quis respondeat ? Sive de animalibus , sive de terrâ inerti. Illa materiam viventem exhibent , hæc mortuam. Cur hæc vivens ? Illa mortua ? In vivente totumne vivit ? Totumne mortuum in mortuâ ? Vivens semperne vivit ? Mortua nunquàmne vivax ? Quid inter utramque discriminis ? Aliundè multiplexne vivens , & specificè diversa ? An quoque multiplex mortua ? Utraque aliquandone , & quomodo maritatur ? *Felix qui posset rerum cognoscere causas ! Tu ne quaesieris scire nefas.* Principia rerum primaria , ac proinde æternæ animo , sive aliquâ arte assequi nos oporteret ; illa verò nosse ut posset , humano generi denegatum fuisse sapientissimus quisque non dubitat , non posse probari , an homogenea sit necne materies , non posse illam scindi in partes quàm tenuissimas , ac multò minùs nativam earundem partium formam deprehendi. Humana igitur ingenia sive circà numerum , sive circà essentiam harumce partium semper incaßum laboratura , atque inter duo infinita maximum , & minimum , quasi inter Scyllam & Charybdim fluctuatura , & utrimque in ancipiti versatura. Aliundè notissima supponantur rerum elementa , cui unquam dabitur naturam ipsam in suis penetralibus intueri operantem ; instrumenta quibus utitur , non dico tractare , aut etiam conspiciere , sed vel solum aliquatenus animo apprehendere. Ex illis instrumentis , primum & efficacissimum esse motum nemo non fatebitur. At causa motus later. *Proteum* dicas varium , versatilem qui extrà humani captus limites delitescit. Seli-gas , utram volueris , impulsione , an *attractionem* : causa impellens vel attrahens desideratur. Denique quid mirum ignorari , quomodo generentur corpora , cùm modus quo nutriuntur & crescunt , non penitus innotescat. Ea quidem sci-mus , & cernimus ciborum succo roborari , & sensim augescere ad certam molem suam cuique speciei naturâ præfinitam , undè etiam infirmantur , & decrescunt , aded ut vita quo inchoatur principio , & viget , eodem pariter labefactata exting-uatur. Quapropter pulchrè illud dictum : *vivere est continuo rigescere.* At quas le-

(g) Apud Insulam Borneo , homines caudâ à tergo non secùs ac simia caudâ instructi sunt.

ges sequatur natura in augendis corporibus, sicut in minuendis, nempè quæ sit actio, & reactio æqua & reciproca solidorum, & fluidorum, omnes humanæ artes, si pergant exquirere, præcipuum & ultimum propositi finem nunquam assequuntur, nec igitur unquam generationis modum. Atque illud tam præclarum, tam sanctum artificium generandi hominis hominem, à naturâ celari putes, quod hæc pudica, & casta opifex in suo sacrario recondita, humanos visus quasi profanos refugere voluisse videatur.

V.

**V**ERMES, (b) inquis, in semine deprehenduntur; non diffitemur, ergone sunt hominis rudimenta: at in liquoribus compositis, & stagnantibus plurimum insectorum ova intestino fermentationis motu excludi quis attentus observator non deprehendit? Fateamur ergò quòd res est arcana in ordine physico duplicis generis, alia quæ etsi nondum explicari potuerim, desperandum tamen non est fore ut deinceps observatione, & magistrâ scientiarum experientiâ pateant; alia strictè, & propriè dicta de genere eorum de quibus dictum est, *Quantiù magis laboraverit homo ad inveniendum, tantò minus inveniet*. Demus enim solerti, ac sagaci ætatum futurarum industria detegi multa posse, nùm idcirco primum generationis principium assequuntur? nequaquam; nam mirus generationis actus nunquam potest sub sensu cadere, sine quibus tamen illum innoscere nobis non posse nemo est qui fateri non debeat. Recludantur animalium utriusque sexûs viscera, exta intima consulantur scrupulosè, ab altero Harveo (i) evolantur tenuissimæ fibrillulæ, dissecuntur, inspiciantur primum generationis punctum, primave puncta nullibi apparebunt. Verùm quamvis apparerent, quis eorum formam diceret? Quæ si conspici posset, vis eorum interior superesset dicenda. Si vel in uno puncto hæseris, in obscurissimam de primorum elementorum naturâ, & numero quæstionem delabi te necesse est, quam inextricabilem & ingenii humani viribus imperviam peritissimam. Quisque agnoscit. Ergò vir prudens in inveniendâ generationis causâ non ultrâ insudabit. Unde meritò concludimus:

*Ergò Generatio natura arcanum.*

(b) Dioptrices ope animalcula tum hominis, tum brutorum in semine natantia deprehenduntur verum instar conformata; in hominibus capite crassior, caudâ verò tenui donantur, in brutis exilius est caput, venter crassior, cauda tenuis. Vivido motu in feminis latice agitantur. Tanta est eorum copia, ut feminis virilis guttula vix arenæ crassitiem æquans ex animali sano, & vegeto desumpta decies centena millia, & amplius animalculorum contineat. In Senum ac Juniorum semine nulla, aut pauca reperiuntur, nec vivida.

(i) Carolus primus Britanniae Rex, Harveo Archiatro generationis arcanum detegere cupienti concessit, ut cervas ac damas septo regio inclusas ad libitum dissecaret. Nihil deprehendit quòd prætenis Graaf observationibus non adverfaretur, neque seminalem maris auram in utero, neque ova in rubis fallopianis, neque ullam in ovarii alterationem. In cervarum matrice tumorem, & molliem insolitam partesque observavit spongiosas & excrecentes, è quibus nonnullæ levibus punctis quasi visco imprægnatis distinguebantur; at nullum vidit feminis liquorem. Mense Novembri deturgebat uterus, tuncque ab unâ tubâ ad alteram protendi visa sunt fila tenuissima è quibus componebatur rete quoddam in modum sacculi. Intus autem visus est liquor albumini similis, cui innatabat punctum saliens; sub finem Novembris adest fetus. Post octo dies ab inchoatâ animalis vitâ sexus discrimen innoscit. Partes animalis internæ citius externis efformantur, quibus quasi tegumento vestiuntur. Atque ex iis experimentis nihil aliud concludere potuit Harveus quàm fœminæ fœcunditatem esse à mari, quemadmodum ferri virtutem esse à magnete.

## DOMINI DOCTORES DISPUTATURI.

M. Carolus Sallin.

M. Nicolaus Jeanroy, Altitus M. Joannes de Di-st.

Præses.

M. Simon Vacher.

M. Augustinus Roux, Regie Societatis Rei Agraria Parisensis, nec non Regie Scientiarum Academia Burdigalensis Socius.

M. Josephus de Jussieu, Regia Scientiarum Academiæ Parisiensis Socius.

M. Cosma Augustinus Loxurier.

M. Paschasius Borio.

M. Joannes Baptista Ludovicus Chomel, Antiquus Facultatis Decanus & Medicus Regis Ordinarius.

Proponerebat Parisiis, FRANCISCUS THIERY DE BUSSY, Tullensis, Doctor Medicus Rhenensis, nec non saluberrimæ Facultatis Medicinæ Parisiensis Baccalaureus. Theses Auctor.

A. R. S. H. 1762. A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1762.